



Broj: 04-40-1-123/21
Sarajevo, 04.05.2021. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 30.04.2021. do 08:30 sati 04.05.2021. godine

U izvještajnom periodu Kantonalni operativni centar civilne zaštite primio je tri informacije o pronalasku NUS-a, i to:

- dana, 01.05.2021. godine u 19:00 sati od Policijske stanice Stari Grad, da je na lokalitetu Borija, pronađena jedna minobacačka mina,
- dana, 02.05.2021. godine u 15:52 sata od Policijske stanice Centar, da je na lokalitetu Orlovca, pronađena jedna ručna bomba,
- dana, 03.05.2021. godine u 11:12 sati od Policijske stanice Hadžići, da je na lokalitetu Kopišnja, pronađen jedan nepoznat NUS.

O primljenim informacijama obaviješteni su pripadnici Tima za UES Federalne uprave civilne zaštite, koji će navedena neeksplozivna ubojna sredstva ukloniti u narednom periodu.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 25 intervencija i to: osam na gašenju zapaljene trave i niskog rastinja, pet na gašenju zapaljenog smeća u kontejneru, dvije na gašenju dimnjaka, jedna na gašenju električnog stuba, jedna na gašenju stabla, jedna na gašenju pomoćnih objekata (garaža i štala), jedna intervencija na gašenju zapaljenog podruma, dvije na gašenju napuštenih objekata, tri obezbjeđenja (dva sportska događaja i jednog protestnog skupa građana) i



jedna veća intervencija na ispomoći u RS-u i to dana, 02.05.2021.godine u 23:50 sati u ul. Vojvode Radomira Putnika (naselje Lukavica na teritoriji Republike Srpske) požar je zahvatio fabriku tekstila. Vatrogasci iz RS-a tražili su pomoć od PVJ KUCZ Kantona Sarajevo. Po odobrenju Pomoćnika direktora za zaštitu od požara i vatrogastvo na lokalitet požarišta upućene su dvije ekipe vatrogasaca. Ekipe su se vratile u bazu u 01:46 sati.

NAPOMENA: U protekla 24 sata pripadnici Profesionalne vatrogasne jedinice Kantonalne uprave civilne zaštite Kantona Sarajevo imali su 10 manjih intervencija i to: četiri na gašenju trave i niskog rastinja, dvije na gašenju dimnjaka, jednu na gašenju smeća u kontejneru, jedna na gašenju napuštenog objekta, jedna na gašenju električnog stuba i jedno obezbjeđenje sportskog događaja.

Iz općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobijene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 8°C, vlažnost zraka 76%, barometarski pritisak 945 hPa.

BIHAMK: Saobraćaj se na području Kantona Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA
Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1